



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt IX.

urn:nbn:de:hbz:466:1-11453

sis, cum à Ludouico duce Bauaria iam absens & longinquus in sua ditione contēneretur, nonnihilq; illi vel damni, vel ignominia irrogatū esset, in inferioribus Marchie sua partibus agenti, postq; aliter res agi non potuit, hostilia & capitis periculum illi denunciāns, ita armis in eum detonuit, vt contemni non posset: Nā progressus in ducatū Bauaria, arces, oppida, vrbes numero XXXVI. aut vastauit, aut euertit, aut sua fecit ditionis: Vnde in reliquum id nominis consequutus est, vt non facile vel absens, vel presens à quouis lacefferetur. Hoc est illud tempus, quo maximè in Hollandia atq; Selandia, maris inundationes, vrbes & agros subuerterunt. Dordracum insignis vrbs, magno sui parte periclitatur: Vicini agri parochia sedecim, ita cum populo absorpta perierunt, vt nulla sit reliqua spes recuperandarum: lacera cernuntur reliquia, decursu maris vndas retrahente per vices. Per idem tempus, cum Phrisij occidui Iohanni duci Bauaria pridem Leodiensi episcopo, nunc Hollandiae gubernatori subijcere colla cœpere, armis edomiti, passim sunt opportunis locis firmari praesidia: Sed non est diuturnum coactum imperium. Vix tribus mensibus ea mens durauit in populo: Rursus conspirantes, eius deiecere praesidia: Impositos gubernationi Hollandinos, aut fuderunt, aut in fugam conuerterunt. Scauriam oppidum, quod genti caput esse constituit, illic constituto comitatu, qui cuncta pro arbitrio gubernaret, eiecit is qui defenderant, in antiquam se libertatem vendicârunt.

CAPVT IX.

Vilhelmus Luneburgensis, & Otto Bernhardifilius Brunswicensis duces, arma in hostes suos Hildesemenses produxere. Cum arcem Grone oppugnare stitissent, ibi viribus inuicem collatis, acerrimè illa pugna-

pugnauerunt: Sed ducibus inclinavit victoria, captis ultra centum militaris ordinis viris, aliquot etiam caesis: in quibus dux iunior Saxoniae, Erici filius, canonicus Hildesemensis. Sed profligatis hostibus, arcem, ad quod venerant, obsidentes, oppugnavere: eiectioneque qui tenuere, de Speilberg comite, & domino de Haanzee, sui iuris fecere capientes, imponentesque praesidium ad custodiam: Cumque multis inuicem damnis & laboribus fatigati, ad tranquillitatem aequo niterentur, Dominus Theodericus Coloniensis archiepiscopus, dedita opera eas partes composuit, hoc modo: Ut duces arcem quam in Brogdorp bello tonante firmaverant, cum subiectis praedijs tenerent: ceteras armis in potestatem deductas, Grone & Oze nihilominus seruarent, reddito comiti de Speilberg in vim compensationis praesidio Hachmolen. Ekesfeldia quoque militaribus posita palaestra, multa ac variam saepe experitur fortunam. Hac tempestate conglobati militares eius loci, cum Molhusensibus quibusdam de causis aduersarentur, pecora civium abegere, & ciues ad sequendum, ut interciperentur, pellicere statuerunt, ut interceptos ex insidijs de more suo caperent. Non erat ea machinatio civibus abscondita: Lantgravius Thuringiae dominum suum praemonuere, qui expeditis armis opportunis locis delituit. Ciues non pauciores quam ducenti equites egredi, sequuntur hostes, iam pecora praese agentes. A fronte imminabat Lantgravius: Ipsi qui insidias tenebant, in retia perueniunt, quod inferre meditantur, passi: Capiuntur, sternuntur, fugantur: Capti supra centum septuaginta, inter quos militaris generis non pauci: Quae ruina in tempus reliqua, & illos circumspectiores, & ciues confidentiores effecit. Capti, de more magno are luunt captiuitatem, immo redimunt libertatem.